

«Kapitalbank» ATB va «Yandex Go» MChJ bilan 8-mart» promo-aksiyasida ishtirok etish to'g'risida

OMMAVIY OFERTA

Ushbu ommaviy oferta (keyingi o'rinlarda — «Oferta») ««Kapitalbank» ATB va «Yandex Go» MChJ bilan 8-mart» nomli promo-aksiyada (keyingi o'rinlarda — «Aksiya») ishtirok etish tartibi, shartlari, o'tkazilish joyi va muddatlarini belgilaydi. Aksiya Ustav asosida faoliyat yurituvchi Boshqaruv Raisi Mayevskiy K.L. nomidan harakat qiluvchi «Kapitalbank» Aksiyadorlik Tijorat Banki tomonidan, keyingi o'rinlarda — «Bank/Tashkilotchi» deb nomlanadi, «Yandex Go» MChJ bilan (keyingi o'rinlarda — «Hamkor»), birgalikda esa «Tashkilotchilar» deb yuritiladi. Aksiyaning maqsadi Bankning bank xizmatlarini taqdim etish hisoblanadi.

Ofertani aksept qilish Ishtirokchi tomonidan Oferta shartlarini to'liq va so'zsiz qabul qilishni anglatadi. Ofertaning amaldagi tahriri Internet tarmog'ida quyidagi manzil bo'yicha joylashtirilgan va foydalanish uchun ochiq: www.kapitalbank.uz (keyingi o'rinlarda — «Sayt»), shuningdek Bankning mobil ilovasida (keyingi o'rinlarda — «Ilova») mavjud.

1. Oferta predmeti va aksept qilish tartibi

1.1. Aksiyada 18 yoshga to'lgan, O'zbekiston Respublikasining fuqarolari (rezidentlari) bo'lgan, «Kapitalbank» ATB tomonidan 2026-yil 6-martda emissiya qilingan bank kartalarining egalari hisoblangan ayol jinsiga mansub shaxslar (keyingi o'rinlarda — «Ishtirokchi») ishtirok etishlari mumkin.

1.2. Oferta shartlarini qabul qilish (aksept) deb Ishtirokchining mazkur Ofertaning 3-bo'limida belgilangan tartibda Aksiyada ishtirok etishga qaratilgan harakatlarni amalga oshirishi tushuniladi. Ofertaning amaldagi tahriri Internet tarmog'ida quyidagi manzil bo'yicha joylashtirilgan va foydalanish uchun ochiq: www.kapitalbank.uz

1.3. Aksiya O'zbekiston Respublikasi hududida Bank va Hamkor tomonidan birgalikda o'tkaziladi. Bunda Bank Ishtirokchilar bilan o'zaro hamkorlik qilish, operatsiyalarni hisobga olish hamda g'oliblarni aniqlash qismida Aksiya tashkilotchisi sifatida, shuningdek Aksiyada sovrin jamg'armasini moliyalashtirishida ham ishtirok etadi.

1.4. Aksiya lotereya hisoblanmaydi, unda ishtirok etish uchun to'lov talab etilmaydi va Bank mahsulotlarini ommalashtirish hamda mijozlar sodiqligini oshirishga qaratilgan.

1.5. Bank va Aksiya Ishtirokchilari o'rtasida yuzaga keladigan barcha nizolar va kelishmovchiliklar muzokaralar yo'li bilan hal etiladi. Tomonlar o'rtasida kelishuvga erishish imkoni bo'lmagan hollarda, nizolar O'zbekiston Respublikasi qonunchiligiga muvofiq Bank joylashgan hududdagi iqtisodiy sud tomonidan ko'rib chiqiladi.

1.6. Mazkur Ofertani aksept qilish Ishtirokchi tomonidan Ofertaning barcha shartlarini hech qanday istisnolar va/yoki cheklolarsiz to'liq va so'zsiz qabul qilinishini anglatadi va yozma shakldagi bitim tuzish bilan teng kuchga ega hisoblanadi.

1.7. Ushbu Ofertani aksept qilgan holda, Ishtirokchi quyidagilarni tasdiqlagan hisoblanadi:

- ushbu Ofertaning barcha shartlari bilan to'liq va batamom tanishganligi, ularga rozi ekanligi hamda ularga rioya etish majburiyatini olganligi;

- Ofertaning mazmuni va uni qabul qilish bilan bog'liq bo'lishi mumkin bo'lgan huquqiy oqibatlar Ishtirokchiga tushunarli ekanligi;

- huquqiy layoqatga va muomala layoqatiga ega ekanligi hamda Tashkilotchi bilan shartnomaviy munosabatlarga kirishish uchun qonuniy huquqqa ega ekanligini tasdiqlashi.

1.8. Tashkilotchi Aksiya to'g'risida qo'shimcha ma'lumotlarni e'lon qilish hamda Aksiya shartlarini bir tomonlama tartibda o'zgartirish huquqini o'zida saqlab qoladi.

1.9. Ofertani aksept qilar ekan, Ishtirokchi o'z harakatlarini ixtiyoriy ravishda, hech qanday majburlovlarisiz, adashish, aldov, zo'ravonlik yoki tahdid ta'sirisiz amalga oshirayotganini tasdiqlaydi.

1.10. Tashkilotchi Hamkorning tovarlari, xizmatlari va faoliyatini reklama qilmaydi hamda Ofertani aksept qilar ekan, Ishtirokchi Hamkorlar tomonidan taqdim etiladigan sovrinlar va xizmatlar sifati uchun javobgar emasligini tasdiqlaydi.

2. Aksiyani o'tkazish muddatlari

2.1. Aksiya **2026-yil 6-mart** kuni o'tkaziladi.

2.2. Aksiya natijalarini yakunlash va g'oliblarni aniqlash **2026-yil 11-mart kuni** amalga oshiriladi.

3. Ishtirok etish shartlari

3.1. Aksiyada ishtirok etish uchun Ishtirokchi Ofertaning 1.1-bandida nazarda tutilgan talablarga mos kelishi lozim. Ishtirokchining ko'rsatilgan talablarga nomuvofiqligi aniqlangan hollarda, Tashkilotchi Ishtirokchini Aksiya doirasidagi o'yindan chetlashtirishga haqlidir.

3.2. Aksiyada ishtirok etish uchun Ishtirokchi 2026-yil 6-mart kuni «Kapitalbank» ATBda istalgan turdagi bank kartasini ochishi kerak.

3.3. G'alaba qozonish imkoniyatlarini sun'iy ravishda oshirish maqsadida firibgarlik yoki boshqa noinsof harakatlarni amalga oshirgan Ishtirokchilar Aksiya ishtirokchilari safidan chiqarib yuboriladi.

3.4. Tashkilotchi va Hamkorning xodimlari, shuningdek ularning yaqin qarindoshlari Aksiyada ishtirok etishlariga yo'l qo'yilmaydi.

4. Sovrin jamg'armasi

4.1. Aksiyaning sovrin jamg'armasi Tashkilotchi mablag'lari hisobidan shakllantiriladi va quyidagi sovrinlarni o'z ichiga oladi:

- 1000 ta promo-kod taqdim etish;

- Yandex Go xizmatida qulay safarlar uchun mo'ljallangan 200 000 so'm nominal qiymatidagi promo-kod;

4.2. Promo-kodlar soni cheklangan.

4.3. Promo-kodlarning amal qilish muddati **2026-yil 31-dekabr kuniga qadar** (shu kun hisobga olingan holda) belgilangan.

5. G'oliblarni aniqlash va sovrinlarni topshirish tartibi

5.1. G'oliblar Aksiya o'tkazilayotgan davrda ishtirok etish natijalariga ko'ra aniqlanadi.

5.2. Promo-kodlar Bank mobil ilovasidagi push-bildirishnoma orqali yoki SMS-xabarnoma yuborish yo'li bilan 1000 nafar ayol mijozga taqdim etiladi.

Aksiyaning natijalari «Kapitalbank» ATBning rasmiy veb-saytida — www.kapitalbank.uz e'lon qilinadi.

5.3. Ushbu Aksiya bo'yicha sovrinni (sovrinlar) olish munosabati bilan yuzaga keladigan barcha tegishli soliqlar va davlat budjetiga to'lanishi lozim bo'lgan majburiy to'lovlar, agar mavjud bo'lsa, O'zbekiston Respublikasi Soliq kodeksi hamda amaldagi qonunchiligida belgilangan tartibda Aksiya Tashkilotchisi tomonidan to'lanadi.

Hamkorlar, Tashkilotchi bilan kelishilgan holda, sovrinlarni o'zgartirish huquqini o'zida saqlab qoladi, bunda o'zgartirilgan sovrinlarning xususiyatlari va qiymati Aksiya reklama materiallarida ko'rsatilganidan yomonroq (qiymati bo'yicha past) bo'lmasligi shart.

5.4. Sovrin (sovrinlar) egasiga aylangan Ishtirokchilar sovrinni pul ekvivalentiga almashtirishni, shuningdek qo'shimcha to'lov qilish yoki qiymat farqini qaytarish sharti bilan sovrinni undan qimmatroq yoki arzonroq boshqa sovringa almashtirishni talab qilishga haqli emas.

5.5. G'olib sovrinni olishdan bosh tortgan hollarda, bunday sovrin talab qilinmagan sovrin deb hisoblanadi.

5.6. Talab qilinmagan sovrinlar yoki g'oliblar olishdan bosh tortgan sovrinlardan Bank va Hamkorlar o'z xohishiga ko'ra foydalanishga haqlidir, shu jumladan ular boshqa Ishtirokchilar o'rtasida qayta o'ynalishi mumkin.

5.7. Tashkilotchi obyektiv sabablarga ko'ra (texnik nosozliklar, fors-major holatlari va boshqalar) Aksiyani muddatidan oldin to'xtatishga haqli. Bunda mazkur Ofertaning amal qilinishini bekor qilish (yoki to'xtatib turish) to'g'risidagi tegishli axborot hodisa yuz berishidan kamida 12 soat oldin Tashkilotchining rasmiy sayti — www.kapitalbank.uz ga joylashtiriladi.

5.8. Tashkilotchi Aksiya to'g'risida qo'shimcha ma'lumotlarni e'lon qilish yoki Aksiya shartlariga bir tomonlama tartibda o'zgartirish kiritish huquqini o'zida saqlab qoladi. Bunda o'zgartirishlar kiritilishidan kamida 5 kun oldin Tashkilotchining rasmiy axborot internet-resurslari orqali xabarnoma beriladi.

5.9. Talab qilinmagan sovrinlar, shuningdek g'oliblar olishdan bosh tortgan sovrinlardan Bank o'z xohishiga ko'ra foydalanishi mumkin, shu jumladan:

- Aksiyaning boshqa Ishtirokchilari o'rtasida qayta o'ynalishi mumkin.

6. Tomonlarning huquq va majburiyatlari

6.1. Ishtirokchi quyidagilarga majbur:

6.1.1. Oferta shartlariga amal qilish;

6.1.2. O'zi haqidagi ishonchli va haqqoniy ma'lumotlarni taqdim etish.

6.2. Tashkilotchi quyidagilarga majbur:

6.2.1. Aksiyani Oferta shartlariga muvofiq o'tkazilishini ta'minlash;

6.2.2. O'yin o'tkazilish jarayonining shaffofligi hamda sovrinlarning o'z vaqtida topshirilishini ta'minlash.

6.3. Tashkilotchi quyidagilarga haqlidir:

6.3.1. Aksiya shartlarini o'zgartirish yoki qo'shimcha qilish, bu haqda Ishtirokchilarni rasmiy aloqa kanallari orqali xabardor qilish;

6.3.2. Aksiya shartlari buzilganligi aniqlangan hollarda, hech qanday kompensatsiyasiz sovrinni berishni rad etish;

6.3.3. Oferta shartlari va O'zbekiston Respublikasi qonunchiligiga muvofiq boshqa huquqlarga ega bo'lish.

7. Aksiyani to'xtatish yoki o'zgartirish

7.1. Tashkilotchi obyektiv sabablarga ko'ra (texnik nosozliklar, fors-major holatlari va boshqalar) Aksiyani muddatidan oldin to'xtatish yoki mazkur Oferta shartlariga o'zgartirishlar kiritishga haqlidir. Bu haqdagi tegishli axborot Tashkilotchining rasmiy veb-sayti — <https://www.kapitalbank.uz> manzilida joylashtiriladi.

7.2. O'zgartirishlar, agar boshqacha tartib ko'rsatilmagan bo'lsa, e'lon qilingan paytdan boshlab kuchga kiradi.

8. Tomonlarning javobgarligi

8.1. Tashkilotchi o'z nazoratidan tashqarida bo'lgan telekommunikatsiya tarmoqlari, pul o'tkazmalari tizimlari va texnik vositalar ishida yuzaga kelgan nosozliklar uchun javobgar bo'lmaydi.

8.2. Ishtirokchi taqdim etilgan ma'lumotlarning to'g'riligi va Ofertada belgilangan ishtirok etish shartlariga rioya etilishi uchun javobgar hisoblanadi.

8.3. Agar Oferta shartlarining lozim darajada bajarilmasligi Tashkilotchining nazorat doirasidan tashqaridagi sabablarga ko'ra yuzaga kelgan bo'lsa, Tashkilotchi bunday bajarilmaslik uchun javobgar bo'lmaydi.

8.4. Ishtirokchi o'zi taqdim etgan ma'lumotlarning to'g'riligi hamda Ofertada belgilangan ishtirok shartlariga rioya qilinishi uchun javobgarlikni o'z zimmasiga oladi.

9. Shaxsiy ma'lumotlarni qayta ishlashga rozilik

9.1. Ishtirokchi Aksiyada ishtirok etar ekan, Aksiyada ishtirok etish, g'oliblarni aniqlash, sovrinlarni topshirish hamda natijalar haqida xabardor qilish maqsadida Tashkilotchiga taqdim etilgan shaxsiy ma'lumotlarni qayta ishlashga rozilik bildiradi.

9.2. Ishtirokchi, shuningdek, o'zining ismi va tasvirini (fotosurati) Aksiya bilan bog'liq materiallarda, jumladan reklama maqsadlarida Internet tarmog'ida e'lon qilish uchun qo'shimcha kelishuvlarsiz foydalanishga o'z roziligini beradi.

10. Boshqa shartlar

10.1. Ushbu Oferta «Kapitalbank» ATB ning rasmiy axborot resurslarida joylashtirilgan paytdan boshlab kuchga kiradi va Aksiyaning o'tkazish muddati yakunlangunga qadar yoki Tashkilotchi tomonidan bekor qilingunga qadar amal qiladi.

10.2. Tomonlar Ofertada bevosita nazarda tutilmagan barcha masalalar bo'yicha O'zbekiston Respublikasining amaldagi qonunchiligiga amal qiladilar.

10.3. Ushbu Oferta rus tilida e'lon qilingan.

10.4. Aksiya haqidagi batafsil ma'lumotlarni bankning qisqa raqamli ishonch telefoni — **1340** yoki **(+998 71) 200-15-15** telefon raqami orqali olish mumkin.

10.5. Aksiyaning potensial va amaldagi Ishtirokchilarini rasmiy xabardor qilish Tashkilotchining tanloviga ko'ra quyidagi aloqa kanallari orqali amalga oshiriladi:

- «Kapitalbank» ATB ning rasmiy veb-sayti (www.kapitalbank.uz);

- Bankning ijtimoiy tarmoqlardagi va kross-platforma messenjerlaridagi rasmiy sahifa va guruhlar;

- Visa kartalari egalari uchun to'g'ridan-to'g'ri xabarnomalar, SMS-xabarlar, mobil ilovadagi push-bildirishnomalar va/yoki elektron pochta orqali.

-

10.6. Aksiyada ishtirok etish shartlari, g'oliblarni aniqlash tartibi, sovrinlarni olish jarayoni va boshqa masalalar bo'yicha qo'shimcha ma'lumot olish uchun Ishtirokchilar:

- Tashkilotchining Kontakt-markaziga yagona 1340 raqami orqali murojaat qilishlari;

- «Kapitalbank» ATB ning istalgan filiali yoki bo'limiga murojaat qilib maslahat olishlari;

- Tashkilotchining rasmiy veb-saytidagi qayta aloqa shakli orqali savol yuborishlari mumkin.

10.7. Tashkilotchi tomonidan Aksiyani muddatidan oldin to'xtatish, Aksiya muddatini uzaytirish yoki shartlariga jiddiy o'zgartirishlar kiritish to'g'risida qaror qabul qilingan hollarda, tegishli axborot o'z kuchiga kirishidan yoki Aksiya to'xtatilishidan kamida 3 (uch) ish kuni oldin Tashkilotchining rasmiy veb-saytida «Aksiyalar» bo'limida e'lon qilinadi.

10.8. Tashkilotchi belgilangan tartibda e'lon qilingan Aksiya to'g'risidagi rasmiy axborot bilan Ishtirokchilar tanishmaganligi, shuningdek uchinchi shaxslardan Aksiya haqida noto'g'ri ma'lumot olinganligi uchun javobgar bo'lmaydi.

XI. TASHKILOTCHINING REKVIZITLARI

«Kapitalbank» ATB

Manzil: Toshkent shahri, Sayilgoh ko'chasi 7. STIR: 207127843 MFO: 01158

Tel.: +998 78 200-15-15 E-mail: info@kapitalbank.uz

O'zbekiston Respublikasi Markaziy banki litsenziyasi №: 69, 25.12.2021 yil.